

IOQRA'

Bil. 1/2022

JANUARI

eISBN : 2735-1920



LIVE@PTAR Misi Kesukarelawan: Duta Sosial & Kebajikan
PTAR Shah Alam - muka 6



Perbincangan Kolaborasi Antara PTAR & Unit Perkhidmatan OKU
PTAR Shah Alam - muka 10



Library Outreach Bersama Majlis Perwakilan Pelajar Sesi 2021/2022
PTAR Alor Gajah - muka 15



LIVE@PTDI Sembang Santai: Dari Segamat ke England
PTAR Segamat - muka 22



LIVE@PTAR Better Marks Secrets Online Databases
PTAR Kedah - muka 33

PROMOSI@PTAR



**KUNJUNGAN HORMAT MAJLIS PERWAKILAN PELAJAR (MPP)
2021/2022 UITM CAWANGAN PERAK KE PERPUSTAKAAN
TUN ABDUL RAZAK (PTAR) TAPAH
26 JANUARI 2022**

Disediakan oleh: Nur Dayana Mohd Narwawi



Majlis Perwakilan Pelajar (MPP) Sesi 2021/2022 UiTM Cawangan Perak telah mengadakan Kunjungan Hormat ke Perpustakaan Tun Abdul Razak (PTAR) Kampus Tapah pada 26 Januari 2022. Kunjungan Hormat ini diketuai oleh Che Mohamad Haniff bin Che Khalid selaku Ketua MPP. Tujuan Kunjungan Hormat ini diadakan adalah bagi memperkenalkan lantikan baharu Majlis Perwakilan Pelajar (MPP) di samping mengeratkan lagi hubungan di antara pihak MPP UiTM Cawangan Perak dan PTAR Kampus Tapah.

Perjumpaan di antara kedua-dua pihak telah berlangsung selama 30 minit dan Puan Nur Dayana binti Mohd Narwawi, Pustakawan dan selaku wakil PTAR Kampus Tapah turut menyampaikan hasrat dan harapan untuk pihak MPP UiTM Cawangan Perak menjadi medium utama dalam menyampaikan maklumat mengenai perkhidmatan dan kemudahan yang disediakan PTAR kepada pengguna khususnya dalam kalangan para pelajar agar mereka dapat pendedahan dan seterusnya menggunakan sebaik mungkin setiap perkhidmatan dan kemudahan yang ada.

Perjumpaan ini diakhiri dengan sesi bergambar dan pemberian saguhati daripada pihak PTAR kepada MPP. Semoga jalinan di antara pihak MPP dan PTAR dapat diperkukuhkan lagi dan seterusnya dapat memberi manfaat kepada warga Universiti terutamanya dalam kalangan pelajar UiTM Cawangan Perak Kampus Tapah.

